

საგანმანათლებლო სამაგისტრო პროგრამაზე- ევრაზიისა და კავკასიის კვლევები-  
მისასღები საგამოცდო შეფასების კრიტერიუმები

**პროგრამაზე მიღებისათვის მოითხოვება:**

- ბაკალავრის ხარისხი ან 5 წლიანი უმაღლესი განათლების დიპლომი ნებისმიერ სფეროში; სასურველია გარკვეული ცოდნა შემდეგ სოციალურ მეცნიერებებში: საერთაშორისო ურთიერთობები, პოლიტიკური მეცნიერებები, სოციოლოგია, ურუნალისტიკა, საერთაშორისო სამართალი, პოლიტიკური გეოგრაფია, საერთაშორისო ეკონომიკა, სამართალი, უცხო ენები;
- საერთო სამაგისტრო გამოცდის ჩაბარება;
- სტანდარტული საგანაცხადო დოკუმენტაცია ივ. ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტის მაგისტრატურის საფეხურზე სწავლის გაგრძელების მსურველთათვის;
- ინგლისური ენის ცოდნა სულ მცირე B2 დონეზე (შესაბამისი სერტიფიკატი (TOEFL, IELTS, სხვა მათი ეკვივალენტური სერტიფიკატები), ან გამოცდის ჩაბარება - თსუ-ს ენათა ცენტრის მიერ ორგანიზებული სამაგისტრო მისაღები გამოცდა);
- წერიტი გამოცდა სპეციალობაში;
- სამაგისტრო საგანმანათლებლო პროგრამაზე უცხო ქვეყნის მოქალაქეების ჩარიცხვა, ან გადმოყვანის წესით ჩარიცხვა უცხო ქვეყნის აღიარებული უმაღლესი საგანმანათლებლო დაწესებულებიდან, ხორციელდება საქართველოს განათლებისა და მეცნიერების სამინისტროს გადანყვეტილების საფუძველზე, კანონმდებლობით დადგენილი წესის შესაბამისად;
- სამაგისტრო საგანმანათლებლო პროგრამაზე მობილობის წესით ჩარიცხვა შესაძლებელია წელიწადში ორჯერ, საქართველოს განათლებისა და მეცნიერების სამინისტროს მიერ დადგენილ ვადებში, სავალდებულო პროცედურებისა და უნივერსიტეტის მიერ დადგენილი წესების დაცვით.

**მისაღები გამოცდების ფორმატი და საბოლოო ქულის გამოყვანის სტრუქტურა:**

- საერთო სამაგისტრო გამოცდა - საკმარისია გამოცდების ეროვნული ცენტრის მიერ დადგენილი ბარიერების წარმატებით გადალახვა;
- ინგლისური ენის გამოცდა - B2 დონე (50 %) - მინიმალური 51 ქულა

წერიტი გამოცდა (50 - %) - მინიმალური 51 ქულა

## წერიტი გამოცდის კრიტერიუმები

აპლიკანტებს ევალებათ 4 ღია კითხვაზე პასუხის გაცემა და ერთი ესეს დაწერა.

თითო ღია კითხვა ფასდება მაქსიმუმ 10 ქულით. ( მაქსიმალური ქულა 40)

ესე ფასდება მაქსიმუმ 60 ქულით.

ღია კითხვების შეფასების კრიტერიუმებია:

- 10-9 ქულა: აპლიკანტი სრულად ფლობს პასუხისთვის საჭირო მასალას, ზუსტად და კონკრეტულად პასუხობს დასმულ კითხვას. პასუხი მხოლოდ რელევანტურ ინფორმაციას შეიცავს.
- 8-7 ქულა: აპლიკანტი უმეტესწილად ფლობს საკითხისთვის საჭირო მასალას, მსჯელობს ლოგიკურად. პასუხი სრულია, მაგრამ ასევე შეიცავს საკითხისთვის ნაკლებად რელევანტურ ინფორმაციას.
- 6-5 ქულა: აპლიკანტი დიდწილად ფლობს საკითხისთვის საჭირო მასალას, მსჯელობს დიდწილად ლოგიკურად, თუმცა საკითხი ბოლომდე არ არის დაფარული და არარელევანტურ ინფორმაციასაც შეიცავს.
- 4-3 ქულა: აპლიკანტი მხოლოდ ნაწილობრივ ფლობს ფაქტობრივ მასალას და შესაბამისად მისი პასუხი ფრაგმენტული და ბუნდოვანია.
- 2-1 ქულა: აპლიკანტი ფაქტობრივად არ ფლობს კითხვაზე პასუხისთვის საჭირო მასალას და მისი პასუხი თითქმის არ შეესაბამება დასმულ კითხვას.
- 0 ქულა: აპლიკანტმა საერთოდ არ გასცა პასუხი კითხვაზე.

ესეს შეფასების კრიტერიუმებია:

1. თემის თემისი და შინაარსობრივი გამართულობა - 20 ქულა;
  - 20- 18 ქულა: მკაფიოდ არის გამოთქმული თემის ძირითადი იდეა;
  - 17-15 ქულა: თემის ძირითადი იდეა მეტ-ნაკლებად მკაფიოა;
  - 14-11 ქულა: თემის ძირითადი იდეა ნაწილობრივ მკაფიოა;
  - 10-7 ქულა: თემის ძირითადი იდეა წარმოდგენილია, თუმცა არასრულყოფილად;
  - 6-4 ქულა: თემის ძირითადი იდეა ნაწილობრივ წარმოდგენილია, თუმცა არასრულყოფილად;
  - 3-0ქულა: თემის ძირითადი იდეა არ არის განსაზღვრული.

2. არგუმენტები დ მსჯელობა-20 ქულა
3. **20- 18 ქულა:** ავლენს სასწავლო კურსის ცოდნას, დამუშავებული მასალის მოშველიებით კარგად აყალიბებს საკუთარ პოზიციას და ამყარებს მას არგუმენტებით, მსჯელობს თამამად, ანგარიშს უწევს, მაგრამ ბრმად არ ენდობა ავტორების მიერ გამოთქმულ მოსაზრებებს;
4. **17-15 ქულა:** ავლენს სასწავლო კურსის ცოდნას, დამუშავებული მასალის მოშველიებით მეტ-ნაკლებად აყალიბებს საკუთარ პოზიციას და ამყარებს მას არგუმენტებით, მსჯელობს თამამად, ანგარიშს უწევს, მაგრამ ბრმად არ ენდობა ავტორების მიერ გამოთქმულ მოსაზრებებს;
5. **14-11 ქულა:** ნაწილობრივ ავლენს სასწავლო კურსის ცოდნას, დამუშავებული მასალის მოშველიებით მეტ-ნაკლებად აყალიბებს საკუთარ პოზიციას და ცდილობს გაამყაროს ის არგუმენტებით, მსჯელობს თუმცა არათანმიმდევრულად, ანგარიშს უწევს, მაგრამ ბრმად არ ენდობა ავტორების მიერ გამოთქმულ მოსაზრებებს;
6. **10-7 ქულა:** ცდილობს შემოგვეთავაზოს საკუთარი ხედვა საკითხთან მიმართებაში, თუმცა უჭირს საკუთარი პოზიციის დაცვა;
7. **6-4 ქულა:** ვერ ავლენს სასწავლო კურსის ცოდნას, დამუშავებული მასალის მოშველიებით უჭირს საკუთარი პოზიციის ჩამოყალიბება და მისი არგუმენტებით გამყარება.
8. **3-0 ქულა:** ყველა ზემოთ ჩამოთვლილი არ არის შესრულებული.

#### დასკვნა-20 ქულა

- 20- 18 ქულა:** სრულყოფილად აჯამებს ესეში გამოთქმულ მოსაზრებებსა და არგუმენტებს და კარგად ახერხებს ამის გადმოცემას;
- 17-15 ქულა:** მეტ-ნაკლებად აჯამებს ესეში გამოთქმულ მოსაზრებებსა და არგუმენტებს და ახერხებს ამის გადმოცემას;
- 14-11 ქულა:** ნაწილობრივ აჯამებს ესეში გამოთქმულ მოსაზრებებსა და არასრულყოფილი არგუმენტაციით გადმოსცემს მათ;
- 10-7 ქულა:** ცდილობს შეაჯამოს ესეში გამოთქმული მოსაზრებები და არგუმენტები, თუმცა უჭირს საკუთარი პოზიციის დაცვა;
- 6-4 ქულა:** ესეში მოცემული დასკვნები არაარგუმენტირებული და მცდარია.
- 3-0 ქულა:** ყველა ზემოთ ჩამოთვლილი არ არის შესრულებული.